

¿En que consiste o programa municipal "VIGO EN INGLÉS?"

Despois dos positivos e satisfactorios resultados acadados no desenvolvemento do programa municipal de inmersión lingüística mediante integración escolar nun High School en período lectivo (VIGO EN INGLÉS), a nova edición 2023 desta iniciativa didáctica tentará seguir promovendo a mellora da competencia e capacitación en lingua inglesa do alumnado de Vigo, dentro do marco do programa educativo municipal "Aulas Internacionais"

A presente convocatoria constará dun máximo de 925 prazas en réxime de concurrencia competitiva para alumnado de 3º da ESO, segundo contrato en vigor do expte. Administrativo 25031/332 para a xestión, organización e desenvolvemento do programa municipal de inmersión lingüística mediante integración escolar nun High School en período lectivo "Vigo en Inglés 2023". Esta oferta desglósase nun máximo dun 55% das prazas a asignar para alumnado escolarizado en centros públicos e un máximo dun 45% das prazas a asignar para alumnado escolarizado en centros privados-concertados.

O programa permitirá realizar viaxes e estadias de inmersión lingüística a Reino Unido e/ou Irlanda, que teñen como obxectivo ofrecer aos alumnos e alumnas de 3º de ESO dos centros educativos da nosa cidade sostidos con fondos públicos, a oportunidade de mergullarse na lingua e cultura británicas e aprender nas escolas locais ou High Schools en réxime de integración escolar co alumnado nativo, como se fosen un máis da clase. Por este motivo, as estadias dunha duración de 3 semanas, teñen previsto realizarse preferentemente entre a segunda quincena de setembro e ao longo do mes de outubro de 2023.

As prazas inclúen o importe da matrícula no programa lectivo e o material necesario para completalo e acreditar a súa finalización, así como os custos de aloxamento en familias anfitrías e manutención en réxime de pensión completa. Asemade, inclúen os gastos derivados do curso intensivo de mellora en lingua inglesa, da organización de actividades extraescolares e de lecer e visitas didácticas a centros de interese do país de acollida (que se desenvolverán en inglés e guiadas por monitorado bilingüe), así como o importe das viaxes de ida e volta, dos seguros de viaxe e responsabilidade civil, e do transporte urbano ata o centro de ensino de integración asignado.

Agardando a túa proveitosa participación no programa educativo "Vigo en Inglés 2023", recibe un cordial saúdo.

Abel Caballero
Alcalde de Vigo



**CONCELLO
DE VIGO**



SERVIZO DE EDUCACIÓN

Praza do Rei s/n, Planta 11ª - 36202 Vigo

Teléfono: 986 81 01 81

**E-mail: vigoeningles@vigo.org
escolas.vigo.org/vigoeningles
www.vigoeningles.org**

**CONCELLO
DE VIGO**



VIGO EN INGLÉS **Programa Educativo Municipal**



2023

Becas de Inmersión en Lingua Inglesa
escolas.vigo.org/vigoeningles
www.vigoeningles.org

¿CALES SON OS REQUISITOS PARA SOLICITAR A PARTICIPACIÓN?

- a) Estar a cursar 3º de ESO nun centro educativo do Concello de Vigo sostido con fondos públicos durante o curso académico 2022-2023.
- b) Ter aprobadas todas as materias de 2º de ESO.
- c) Ter obtido como mínimo unha nota dun 7 na materia de Lingua inglesa nas cualificación finais de 2º de ESO.
- d) Estar empadroad/a no Concello de Vigo, con vixencia mínima dende o 01/01/2022, dato que será comprobado de oficio pola propia administración.
- e) Non ter concedida, no ano 2023, outra axuda coa mesma finalidade.
- f) Ter DNI/NIE, permiso de residencia e pasaporte en vigor.
- g) Ter presentado a solicitude nos prazos estipulados.

¿COMO PODES SOLICITAR A PRAZA?

Os interesados cumprimentarán o formulario electrónico de uso obrigatorio a través da aplicación en liña dispoñible nas páxinas <https://escolas.vigo.org/vigoingles> e/ou <https://www.vigoingles.org/convocatoria>. Unha vez cuberto este formulario, permitirá elixir entre a presentación telemática a través da sede electrónica do Concello de Vigo ou presencial a través da oficina de rexistro. É requisito imprescindible asinar e rexistrar o formulario de solicitude por algunha das seguintes vías:

Solicitude telemática (preferente):

Seguindo as instrucións que se indican e unha vez cuberto o Formulario de Solicitude aloxado nas páxinas web <https://escolas.vigo.org/vigoingles> e/ou <https://www.vigoingles.org/convocatoria>, terá que entrar na sede electrónica do Concello de Vigo, (vigo.org/solicitud-vigoingles) e premer o botón "tramitar por internet" onde haberá que incorporar o Formulario de Solicitude, sendo necesario asinalo por calquera dos medios de sinatura admitidos na sede electrónica. Unha vez realizado este proceso poderá descargar o xustificante do Rexistro.

Solicitude presencial:

Unha vez cuberto o Formulario de Solicitude aloxado nas páxinas web <https://escolas.vigo.org/vigoingles> e/ou <https://www.vigoingles.org/convocatoria>, deberáse obrigatoriamente imprimir e asinar polo pai e nai, titor/a legal, outros/as, e acompañado da documentación requirida se fose necesario, presentalo no Rexistro Xeral do Concello de Vigo de luns a venres en horario de 9,00 a 13,30 hrs. (previa cita nos teléfonos 010 / 986810260 / 986810100 ou na web "citaprevia.vigo.org"), ou en calquera dos lugares establecidos no art. 16.4 da Lei 39/2015, do 1 de outubro, do Procedemento Administrativo Común das Administracións Públicas (LPACAP).

A documentación que corresponda presentar en cada caso, poderase achegar electrónicamente mediante o seu escaneado no lugar indicado no Formulario de Solicitude, na sede electrónica ou ben presentar fisicamente en papel no momento de realizar a solicitude presencial no rexistro.

¿CAL É A DOCUMENTACIÓN NECESARIA?

- a) **Formulario de Solicitude** unha vez cuberto "on line" e asinado, dixital ou manualmente.
- b) **Certificación académica orixinal** emitida polo centro educativo do Concello de Vigo sostido con fondos públicos na que conste **estar matriculado en 3º de ESO no curso académico 2022/2023 e certificación académica coas notas finais de 2º ESO.**
- c) **DNI/NIE do alumno/a** ou autorización de residencia e pasaporte (en vigor)
- d) **DNI/NIE**, autorización de residencia **ou** pasaporte (en vigor) **dos solicitantes** (pai e nai ou titor/a legal) que asinan o formulario de solicitude.
- e) **Libro de familia no que figuren todos os membros da unidade familiar ou documentación acreditativa da tutoría legal.**
- f) De ser o caso, **acreditación documental das circunstancias familiares** tales como: Título de familia numerosa, título de familia monoparental, sentenza de divorcio e convenio regulador onde conste o relativo á custodia, certificado de defunción (no caso de viuvez), resolución xudicial ou administrativa da tutela ou acollemento.
- g) De ser o caso, **Certificado de discapacidade dalgún dos membros da unidade familiar** emitido polo órgano competente cunha porcentaxe igual ou superior ao 33%.
- h) **Xustificación de ingresos:** Aquelas familias que non autoricen ao Concello de Vigo a solicitude de información fiscal á Axencia Tributaria, deberán presentar fotocopia simple da última declaración da renda de todos os membros da unidade familiar ou certificado de estar exento/a emitido pola Axencia Tributaria.
- i) No caso de que algún participante precise de **atencións médicas especiais** (por mor de alerxias, discapacidades, intolerancias...) deberán presentar un **certificado médico orixinal** que así o acredite.

WWW.VIGOINGLES.ORG/CONVOCATORIA
ESCOLAS.VIGO.ORG/VIGOINGLES

¿CAL É O PROCESO PARA A ACEPTACIÓN DA PRAZA?

As listas de solicitudes adxudicadas, denegadas ou en lista de agarda serán publicadas nas webs do programa: "escolas.vigo.org/vigoingles" e/ou "www.vigoingles.org".

Os/as alumnos/as aos que se lles adxudiquen as prazas definitivamente, previo acordo adoitado pola Xunta de Goberno Local, deberán presentar, no prazo habilitado ao efecto:

- **Exentos de pago:** Tramitarán vía telemática no sitio web "<https://vigo.org/vigo-ingles>" a aceptación expresa da praza concedida xerando unha autoliquidación 0 co correspondente xustificante.
- **Con achega familiar:** Tramitarán vía telemática no sitio web "<https://vigo.org/vigo-ingles>" a aceptación expresa da praza e realizarán o pagamento da contía asignada de achega familiar, ben a través da pasarela bancaria ou xerando o recibo de pago para posteriormente efectuar o mesmo de xeito presencial nas entidades bancarias pertinentes.

¿ONDE TES QUE DIRIXIRTE?

Para formular calquera consulta, podes realizala en horario de 09:00 a 14:00 hs. De luns a venres no Servizo de Educación do Concello.

Enderezo

Servizo de Educación · Programa VIGO EN INGLÉS
Praza do Rei s/n, Planta 11ª · 36202 Vigo

Teléfono
986 81 01 81

E-mail
vigoingles@vigo.org

En todo caso, cómpre remitirse ao contido específico recollido nas Bases e convocatoria para a adxudicación de prazas para a participación no programa de Inmersión en Lingua Inglesa VIGO EN INGLÉS 2023 aprobado pola Xunta de Goberno Local do Concello de Vigo na súa sesión correspondente.